



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ars Bonæ Mortis. Sive: Quotidiana Erga Sanctissimam Dei Matrem Mariam Pietas

Ad omnia quidem utilis. Ad felicem tamen mortem obtinendam utilissima

Hevenesi, Gábor

Coloniæ Agrippinæ, 1709

XVI. Julii.

[urn:nbn:de:hbz:466:1-50916](https://nbn-resolving.org/urn:nbn:de:hbz:466:1-50916)

S. Vitalianus ad Episcopatum evectus, invidiosos reperit, qui vestibus ejus nocte sublatis foemineas substituere, quas cum minus observans indueret, irrisus, in exilium actus, verum à calumniis divinitus vindicatus, ad Episcopatum iterum revocatus, Deiparæ templum erexit. *Fest. Mar.* Ab hominibus illusus ubi spem firmaret, edoctus.

S. Vitaliane ora pro me, ut ubi mortalitatis hujus vestem, & corpoream sarcinam, quæ aggravat animam exuero, hanc à perpetuo illo exilio liberet misericordissima Virgo, unde nulla redemptio. O Sanctissima DEI, & mea Mater pretiosissima! ego N. indignissimus filius tuus ex toto corde, omnibusq; tam corporis, quàm animæ viribus centies millies, imò infinities te saluto: te omni possibili omnium possibilium & actualium creaturarum affectu amare, tibi usque ad ultimum &c. f. 190.

Ad quod impetrandum, ut Ignatius Azebedius Societatis JESU etiam mortuus iconem Deiparæ manibus eripi non sustinuit, ita eam frequenter hodie manu versabo.

Prorsus nova Mater MARIA, quæ novitatem attulit Filiis inveteritatis, vitiúmque sanavit tam ingenitæ, quàm superadditæ vetustatis. *Guer. Ab. ser. 1. de Nat. Vir.*

Quæstio: An B. V. in utero per propriam dispositionem sanctificata fuerit, an sine ea?
v. Suarez de B. V. disp. 4.